

Na osnovu člana 20. stav 1. tačka 4) Statuta Fonda za zaštitu okoliša Federacije BiH ("Službene novine FBiH", broj: 33/06 i 1/15), u vezi sa Zaključkom Vlade FBiH V. broj 1722/22 od 24.11.2022. godine i tačkom 7., poglavlje „Obrada prijava“ stav 3. Odluke o usvajanju Programa utroška sredstava „Tekući transferi drugim nivoima vlasti i fondovima - Podrška Evropske unije Bosni i Hercegovini u cilju ublažavanja negativnog socio-ekonomskog uticaja energetske krize“ utvrđen budžetom Federacije BiH za 2023. godinu Federalnom ministarstvu prostornog uređenja (Službene novine FBiH br. 66/23) i Odlukom Upravnog odbora Fonda broj: UO-01-3-9-9-6/2024 od 25.07.2024. godine, a na osnovu provedenog Javnog poziva za dodjelu sredstava iz budžetske podrške EU za provođenje mjera energijske efikasnosti u stambenim objektima za 2024. godinu – JP BPEU SS 2024-1 („Službene novine Federacije BiH - Oglasni dio“ broj: 60/24 od 02.08.2024. godine, dnevni listovi „Dnevni avaz“ i „Večernji list“, kao i na službenoj stranici Fonda: www.fzofbih.org.ba), direktor Fonda za zaštitu okoliša Federacije BiH d o n o s i:

ODLUKU

I.

Odbija se prigovor podnosioca prijave, Višnja Marić, Fakultetska 8, 72000 Zenica kao neosnovan.

II.

Ova Odluka je konačna i stupa na snagu danom donošenja.

O b r a z l o ž e n j e

Odlukom o dodjeli sredstava na osnovu postupka provedenog po Javnom pozivu za dodjelu sredstava iz budžetske podrške EU za provođenje mjera energijske efikasnosti u stambenim objektima za 2024. godinu – JP BPEU SS 2024-1 broj: 01-09-12-367/2024 od 04.09.2024. godine, utvrđeno je da prijava pod rednim brojem 4561 nije ispunila zadate uslove za dodjelu sredstava budžetske podrške.

Protiv donesene Odluke podnosilac prijave je blagovremeno izjavio prigovor.

Radi razmatranja prigovora, direktor Fonda je imenovao Komisiju koja je dužna da izvrši ocjenu osnovanosti blagovremeno izjavljenih prigovora u smislu ispunjenosti uslova prijave.

Na osnovu Izvještaja Komisije broj: 06-1-117/2024 od 10.09.2024. godine, utvrđeno je da podnosilac prijave u svojoj prijavi nije dokazao navode dostavljene u prigovoru, odnosno da iako se iz ZK izvatka ne može zaključiti da podnosilac prijave ima vlasništvo nad objektom, ono postoji što dokazuje Izvatom iz knjige položenih ugovora, koji dostavlja u sklopu prigovora. Komisija za prigovore je utvrdila da se prema pravilima Javnog poziva vlasništvo nad objektom utvrđuje isključivo putem ZK dokumenta, a u

priloženom ZK dokumentu, kao vlasnik zemljišta je naveden Grad Zenica. Komisija za prigovore smatra da podnosilac prijave u svojoj prijavi nije dokazao vlasništvo nad objektom koji je predmet prijave. Izvadak iz knjige položenih ugovora koji je dostavljen uz prigovor, trebao je biti dostavljen u samoj prijavi, kako bi se našla popveznica između podnosioca prijave i predmetnog objekta.

Shodno navedenom, a obzirom da prijava ne ispunjava uvjete za dodjelu sredstava budžetske podrške, odlučeno je kao u dispozitivu Odluke.


Slađan Bevanda, direktor



Broj: 0409-12-5663/2024

Sarajevo, 03.10.2024.

Dostaviti:

- Podnosiocu Prigovora
- Sektoru za Energetsku efikasnost
- Sektoru za pravne poslove
- a/a